

Irigaray'k eskatu duenaren arabera, erabaki da, aurrenik, Lojendio'gana jotzea lchenbizi eta ari eskatzea, Euskaltzaindiaren onerako, buruzagitzar dezan, epe jakin baterako, Barandiaran jauna euskaltzain egitea ere guztiok onartu dute, baiña orretarako berarekin mintzatu ondoren. Eta, Gipuzkoako apezpikuak eta apaizek egin dioten omenaldia dela bide, bidal bekizkio Euskaltzaindiaren zorionak.

Zadorlariak aipatu du San Martin'ek Euskaltzaindiari egin dion eskea aurtur irugarren aldiz egiten den P. Aldazabal'en oroikarriarako. Or egingo den aurren euskal-sariketarako babesa eman bedi.

C. A. T.-koekin dugun auziaz, berriz ere aiekin mintzatzea erabaki da, ea konponentarik izan ditekean. Tratatu dutenaren berri emango dute batzordekoek datorren batzarrean.

Satrustegi'k, gero, Nafarroa'ko euskal-liturjiaren gora-beherak aipatu ditu. Lehen illun ikusten zituen gauzak, baiña bide onean doaz orain, Urmeneta jaunari eskerrak, batez ere. Elizan eta elizatik kanpo (*Diario de Navarra* ere mintzatu da gai onezaz) ahalik bizkorren jokatzeko asmoetan dira. Berri oek biziro pozgarri izan dira bildurik daudenentzat.

Iratzeder'ek Euskaltzaindiari, esku-erakutsizat, Belloc-eko Beneditanok argitara dituzten liturji-lanak ekarri dizkio. Eskerrak eta zorionak ematen zaizkio.

Irigaray-k asi du izketa euskal-liturjiak gure izkuntzarentzat duen ondore larriaz.

Irigoyen'ek gaztigatu du bukatu dela Xenpelar-sariko bertso paperentzat luzatu zen epea. Bidali dituzten bertsoak aztertuko dituzte, sariak emateko, onako Euskaltzaindiko oek: Artola, Arrue, Irigoyen, J. M. Lekuona, San Martín, Satrustegi eta Aita Zavala'k.

Irigoyen'ek Bilbao'n, urteoro bezala, egingo den aur-sariketaren berri eman du. Egin bedi bestetan bezala.

Labayen'ek, azkenik, Euskaltzaindiaren diru-laguntza eskatu du Orixe euskaltzain zenaren illobi berrirako. Ontzat artu da ao batez laguntzea. Labayen'ek berak esan beza zenbatekoa bear litzakean, bere ustez.

Oi diren otoitzekin asi eta bukatu da batzarrea.

*Euskaltzainburuordea*

A. IRIGARAY

*Zadorlaria*

LUIS MITXELENA

Donostian, Diputazioan, 1965 maiatzaren 28-an.

Bildu dira: Dassance, buru, Mitxelena, Lafitite, Labayen, Villasante, Satrustegi, Larzabal, San Martín, Haritschelhar, Irigaray, Zavala eta Irigoyen euskaltzainak, Etxaniz, Arregi, Artola, Lekuona, Mujika eta Zatarain laguntzailleak.

Lojendio, Arrue, Lekuona, Aresti eta Zubikaray-k ezin etorria adierazo dabe.

Arrue-k jakinerazo dau gaifera Asteasu-tik eskabide bat artuko dala Pello Errota bertsolaria zanari egin gura jakon omenaldirako laguntasuna emon daigun. Ontzat artu bedi datorrenean.

Aurreko batzarreko agiria irakurri da eta ontzat artu da. Gauza bat dago falta dana Piarres Larzabal be egon zala batzarrean. Orain agiri onetan ipiñita zuzenduta gelditzen da.

Marino Urrutia eta Lopez de Gereñu jaunak eskerrak bialdu dituez egin jakiezan izendapenakaitik.

Jose Migel Barandiaran-ek gureari erantzunaz zuzendu dauen karteak irakurri da. Eskerrak berak emon bear deuskuzala guri.

Azpeiti-ko Oargi-koak karta bat zuzendu deuskue. Jai batzuk egin nai dituez euren errian Karmelo Etxegaray zanaren omenez, aurtan eun urte diralako jaiok zala. Uztailaren 8-an asi eta 11-an amaitu gura dira Euskaltzaindiak be parte arturik. Laguntasun ori eskatzen deuskue. Ontzat artzen da.

Labayen-ek diño Orixe zanaren illobi barrirako Euskaltzaindiak bost milla pesetaz lagundu leikeala. Emon bediz.

Idazlariak, Lekeitio-n igaz sortu zan Azkue euskal katedrea dala-ta izan diran gora berak aitatu ditu. Bizkaiko gobernadoreak multa bat ipiñi eutsan irakasten ari zan maistrearari eta itxi egin zan. Eta zelan Euskaltzaindiak be Lekeitio-ko Ayuntamentuak eskatuta parte artu eban sortu zanean Bizkaiko gobernadoreari erregutu deuta ipiñi dauen kastigua kentzeko. Eta kendu egin dau informaziñoaren faltaz ipiñi ebalu adierazorik.

Xenpelar sarien erabagia artu dabe juradurako izendatu ziranak: Lenengo saria, bi milla peseta, Jose Maria Lertxundi «Argiñ». Bigarrena, milla ta bosteun, Jesus Lete «Ibaiertz». Irugarrena, milla, Joxe Mari Ertzilla «Xabaroa». Eta laugarrena, bosteun, Sebastian Salaberria.

Urteroko Euskaltzaleen Biltzarra egiteaz berba egin da. Idazlariak diño teatrozale batzuk gura leukiela teatroa gaitza artuta egitea aurtan. Ontzat artu da eta prestakizunak zelan moldatu tratatu daien batzorde bat izendatu da: Larzabal, Labayen, Aresti, Zubikarai, Beobide, Zapiani eta Barriola medikua.

Idazlariak diño egon dirala C. A. T.-koakaz eta egin dituezan barriketen ostean tratu onetara eldu dirala: ogei milla peseta emotera. Euskaltzaindiak ontzat artzen dau eta emon bekiez pesetok.

Diplomea zelan izan leitekean dibuju bat erakutsi da. San Martin eta Haritschelhar-ek esan dabe egokiagoa izango litzakeala euskal-arte zarretik gaiak artuta egitea.

Valverde-ri esan bekio ia zerbait egingo leuskigun. Textoa au izan badi: «Ekin eta jarrai. Euskaltzaindiak... euskeraren alde orain arte egin dituen lanen esker-erakutsiz eta gerokoan pizkarri, lankidetzat (edo laguntzailletzat edo ohorezketzat) artu du. Bilbon... Idazlaria. Euskaltzainburua».

Dassance-ek Bidasoaz gorantz eusketaz erri izenak zelan diran lan bat ekarri dau. Irigoyen-ek Bizkaian egin dituan galderen erantzunak erakutsi ditu. Gipuzkoako eta Nafarroako bez berba egin da. Datorren batzarrean al bada osotu bedi falta dana.

«Real Sociedad Vascongada de Amigos del Pais»-ekoak Euskaltzaindia gomitatzen dabe San Juan bezperan urtero Azkoiti-n egiten daben batzarrerara. Irigoyen joan bedi.

Pello Mari Otaño-n omenez Zizurkillen, maiatzaren 9-an, jaiak egin zan eta oso ondo egiña izan zan. Eskerrak emon bekiez prestatzailleai.

Irigoyen-ek diño Bizkaian aurreko urteetan bertsolarien txapelketak egin izan diran tokietan saio batzuk egin leitekezala aurtan Bizkaiko Ahorro Kaxeari betiko laguntasuna eskatuta, Urkiola-n San Antonio egunean astekotan. Egin bediz.

Oi dan otoitzagaz asi eta amaitu da batzarra.

*Euskaltzainburuordea*

L. DASSANCE

*Idazlaria*

LUIS MITXELENA